

302/02-16.

საბალანსო ელექტროენერჯის ყიდვის პირდაპირი ხელშეკრულების

სტანდარტული პირობები

რეგისტრირებულია  
სს "საქართველოს სახელმწიფო  
ელექტროენერჯის" შიპს  
თარიღი 16.08.16 № 1/2174-00

ქ. თბილისი

პრეამბულა

საბალანსო ელექტროენერჯის ყიდვის პირდაპირი ხელშეკრულების სტანდარტული პირობები (შემდგომში „სტანდარტული პირობები“) შემუშავებულია საქართველოს სამოქალაქო კოდექსის, „ელექტროენერჯეტიკისა და ზუნებრივი გაზის შესახებ“ საქართველოს კანონის 22<sup>1</sup>-ე მუხლისა და საქართველოს ენერჯეტიკის მინისტრის 2006 წლის 30 აგვისტოს №77 ბრძანებით დამტკიცებული „ელექტროენერჯის (სიმძლავრის) ბაზრის წესების“ მე-13 და მე-14 მუხლების მოთხოვნათა შესაბამისად.

მუხლი 1. ზოგადი პირობები

1.1. წინამდებარე სტანდარტული პირობები წარმოადგენს წინასწარ ჩამოყალიბებულ, მრავალჯერადი გამოყენებისათვის გამოზნულ სახელშეკრულებო პირობებს (ტიპიურ სახელშეკრულებო ფორმულარს), რომელსაც ერთი მხარე – სს „ელექტროენერჯეტიკული სისტემის კომერციული ოპერატორი“ (შემდგომში „ელექტროენერჯეტიკული ბაზრის ოპერატორი“, რეგისტრირებული ქ. თბილისის საგადასახადო ინსპექციის მიერ 2006 წლის 7 აგვისტოს, საიდენტიფიკაციო ნომერი: 205170036, მისამართი: ქ. თბილისი, ბარათაშვილის ქ. № 2, წარმოდგენილი მისი გენერალური დირექტორის ვახტანგ ამბოკაძის მიერ) უდგენს იმ კვალიფიციურ საწარმოს (შემდგომში „საწარმო“), რომელიც „ელექტროენერჯეტიკისა და ზუნებრივი გაზის შესახებ“ საქართველოს კანონისა და „ელექტროენერჯის (სიმძლავრის) ბაზრის წესების“ (შემდგომში „ბაზრის წესები“) შესაბამისად, მონაწილეობს ელექტროენერჯით საბითუმო ვაჭრობაში და არ გააჩნია საბალანსო ელექტროენერჯის ყიდვის შესაბამისი პირდაპირი ხელშეკრულება.

1.2. სტანდარტულ პირობებთან საწარმოს მიერთება ხორციელდება სტანდარტული პირობების მე-4 მუხლის შესაბამისად.

1.3. სტანდარტული პირობები აწესრიგებს ელექტროენერჯეტიკული ბაზრის ოპერატორის მიერ საწარმოსგან საბალანსო ელექტროენერჯის ყიდვის პირობებსა და წესს, აგრეთვე ამ სამართლებრივ ურთიერთობასთან დაკავშირებულ სხვა საკითხებს.

1.4. სტანდარტული პირობებით ხდება მოქმედი კანონმდებლობით, მათ შორის ბაზრის წესებით დადგენილი ნორმების შევსება. საკითხები, რომელიც არ არის გათვალისწინებული სტანდარტული პირობებით, რეგულირდება მოქმედი კანონმდებლობით.

მუხლი 2. ტერმინთა განმარტებები

2.1. სტანდარტულ პირობებში გამოყენებულ ძირითად ტერმინებს გააჩნიათ იგივე მნიშვნელობა, რაც გათვალისწინებულია „ელექტროენერჯეტიკისა და ზუნებრივი გაზის

შესახებ" საქართველოს კანონით, საქართველოს ენერჯეტიკის სამინისტროსა და საქართველოს ენერჯეტიკისა და წყალმომარაგების მარეგულირებელი ეროვნული კომისიის მიერ გამოცემული (მიღებული) შესაბამისი ნორმატიული ადმინისტრაციულ-სამართლებრივი აქტებით.

### მუხლი 3. სტანდარტული პირობების საგანი

3.1. სტანდარტული პირობების საგანს წარმოადგენს საბალანსო ელექტროენერჯის ყიდვა.  
3.2. ელექტროენერჯეტიკული ბაზრის ოპერატორი საწარმოსგან სტანდარტული პირობებით შეისყიდის:

3.2.1. მწარმოებლისგან მის მიერ საანგარიშო პერიოდში სალტეზე მიწოდებული ელექტროენერჯის რაოდენობასა და მის მიერ პირდაპირი ხელშეკრულებების საფუძველზე გაყიდული ელექტროენერჯის რაოდენობას შორის სხვაობის შესატყვის ელექტროენერჯიას (საბალანსო ელექტროენერჯია), ან/და

3.2.2. იმპორტიორის მიერ იმპორტირებული ელექტროენერჯის რაოდენობასა და მის მიერ იმპორტის პირდაპირი ხელშეკრულებების საფუძველზე გაყიდული ელექტროენერჯის რაოდენობას შორის სხვაობას (საბალანსო ელექტროენერჯია).

3.3 სტანდარტული პირობების შესაბამისად, საწარმო ყიდის, ხოლო ელექტროენერჯეტიკული ბაზრის ოპერატორი ყიდულობს საბალანსო ელექტროენერჯიას და უზრუნველყოფს მისი ღირებულების სრულ და დროულ ანაზღაურებას, სტანდარტული პირობებით დადგენილი წესითა და პირობებით.

### მუხლი 4. სტანდარტულ პირობებთან მიერთება

4.1. საწარმო ამ ხელშეკრულების მხარედ ჩაითვლება იმ შემთხვევაში, თუ:

4.1.1. ელექტროენერჯეტიკული ბაზრის ოპერატორის მიერ იგი რეგისტრირებულია კვალიფიციურ საწარმოდ როგორც: წარმოების ლიცენზიატი, მცირე სიმძლავრის ელექტროსადგური, ელექტროსადგურის მფლობელი პირი ელექტროსადგურის ექსპლუატაციაში მიღების მიზნით საცდელი გაშვების ან/და კომპლექსური გასინჯვის პერიოდში, აგრეთვე იმპორტიორი;

4.1.2. საანგარიშო პერიოდში სალტეზე მიწოდებული ან იმპორტირებული აქვს საბალანსო ელექტროენერჯია.

4.2. სტანდარტულ პირობებთან მიერთებისთანავე საწარმო ხდება სტანდარტული პირობებით გათვალისწინებულ უფლება-მოვალეობათა სუბიექტი.

### მუხლი 5. საბალანსო ელექტროენერჯის რაოდენობა ღირებულება და ფასი

5.1. საბალანსო ელექტროენერჯის რაოდენობასა და ღირებულებას განსაზღვრავს ელექტროენერჯეტიკული ბაზრის ოპერატორი ბაზრის წესების შესაბამისად.

5.2. საბალანსო ელექტროენერჯის ფასი განისაზღვრება ბაზრის წესებისა და საქართველოს ენერჯეტიკისა და წყალმომარაგების მარეგულირებელი ეროვნული კომისიის შესაბამისი სამართლებრივი აქტის თანახმად.

## მუხლი 6. ანგარიშსწორება

6.1. საწარმოდან შესყიდული საბალანსო ელექტროენერჯის რაოდენობა აისახება ელექტროენერგეტიკული ბაზრის ოპერატორსა და საწარმოს შორის გაფორმებულ ელექტროენერჯის მიღება-ჩაბარების აქტში. ამასთან, თუ ბაზრის წესების შესაბამისად გამომუშავებული, მიწოდებული და მოხმარებული ელექტროენერჯის მიღება-ჩაბარების ან სისტემათაშორისი ხაზით (ხაზებით) მიწოდებული და მიღებული ელექტროენერჯის შემაჯამებელ აღრიცხვის აქტებში შეტანილი მონაცემების ცვლილებები იწვევს საბალანსო ელექტროენერჯის რაოდენობის კორექტირებას, დგება ელექტროენერჯის მიღება-ჩაბარების კორექტირებული აქტი.

6.2. ელექტროენერგეტიკული ბაზრის ოპერატორი საწარმოს სათანადოდ გაფორმებულ და დამოწმებულ ელექტროენერჯის მიღება-ჩაბარების აქტის 4 ეგზემპლარს ხელმოსაწერად წარუდგენს საანგარიშო პერიოდის დასრულებიდან არაუგვიანეს 12 კალენდარული დღისა. საწარმო ვალდებულია ხელმოწერილი აქტის 2 ეგზემპლარი ელექტროენერგეტიკული ბაზრის ოპერატორს დაუბრუნოს მიღებიდან 2 კალენდარული დღის ვადაში.

6.3. ელექტროენერჯის მიღება-ჩაბარების აქტში წარდგენილი მონაცემების საფუძველზე (მიუხედავად იმისა, დადასტურებულია თუ არა იგი საწარმოს მიერ), საწარმო გამოწერს და ელექტროენერგეტიკული ბაზრის ოპერატორს წარუდგენს შესაბამის საანგარიშსწორებო დოკუმენტაციას (ანგარიშ-ფაქტურას) საბალანსო ელექტროენერჯის ღირებულებაზე. საგადასახადო ანგარიშ-ფაქტურის გამოწერისა და წარდგენის პირობები და წესი რეგულირდება საგადასახადო კანონმდებლობით.

6.4. ელექტროენერგეტიკული ბაზრის ოპერატორი ვალდებულია, არაუგვიანეს საანგარიშო პერიოდის დასრულებიდან 28 კალენდარული დღისა, საანგარიშსწორებო დოკუმენტაციაში ან სხვა შესაბამის დოკუმენტში მითითებულ საბანკო ანგარიშზე გადარიცხვის გზით, პირდაპირ აუნაზღაუროს საწარმოს საანგარიშსწორებო დოკუმენტაციაში მითითებული თანხა. ვალდებულება შესრულებულად ითვლება ელექტროენერგეტიკული ბაზრის ოპერატორის მიერ საწარმოს საბანკო ანგარიშზე საბალანსო ელექტროენერჯის სრული ღირებულების ჩარიცხვის დღეს. თუ ელექტროენერგეტიკული ბაზრის ოპერატორი არ ეთანხმება საანგარიშსწორებო დოკუმენტაციის (ანგარიშ-ფაქტურის) მონაცემებს, ელექტროენერგეტიკული ბაზრის ოპერატორი უფლებამოსილია საწარმოს აუნაზღაუროს საანგარიშსწორებო დოკუმენტაციაში (ანგარიშ-ფაქტურაში) აღნიშნული თანხის არასადავო ნაწილი.

6.5. საბალანსო ელექტროენერჯის საფასურის კორექტირების შემთხვევაში, თუ შედეგად:

6.5.1. იზრდება საბალანსო ელექტროენერჯის საფასური, ელექტროენერგეტიკული ბაზრის ოპერატორი ვალდებულია მაკორექტირებელი საანგარიშსწორებო დოკუმენტაციის (ანგარიშ-ფაქტურის) გამოწერის თვის დასრულებიდან არაუგვიანეს 28 კალენდარული დღისა აუნაზღაუროს საწარმოს კორექტირების შედეგად დამატებით გადასახდელი თანხა. თუ ელექტროენერგეტიკული ბაზრის ოპერატორი არ ეთანხმება მაკორექტირებელი საანგარიშსწორებო დოკუმენტაციის (ანგარიშ-ფაქტურის) მონაცემებს, ელექტროენერგეტიკული ბაზრის ოპერატორი უფლებამოსილია საწარმოს აუნაზღაუროს დამატებით გადასახდელი თანხის არასადავო ნაწილი.

6.5.2. მცირდება საბალანსო ელექტროენერჯის საფასური, საწარმო ვალდებულია მაკორექტირებელი საანგარიშსწორებო დოკუმენტაციის (ანგარიშ-ფაქტურის) გამოწერის თვის დასრულებიდან არაუგვიანეს 25 კალენდარული დღისა აუნაზღაუროს ელექტროენერგეტიკული ბაზრის ოპერატორს კორექტირების შედეგად ელექტროენერგეტიკული ბაზრის ოპერატორის სასარგებლოდ დამატებით რიცხული თანხა.

6.6. მხარეთა შორის ანგარიშსწორება, როგორც წესი, ხორციელდება უნაღდო ანგარიშსწორების წესით, თუ ელექტროენერგეტიკული ბაზრის ოპერატორის მხრიდან არ იქნება წერილობით მოთხოვნილი ანგარიშსწორების სხვა მიღებული წესის გამოყენება.

#### მუხლი 7. ფორს-მაჟორი

7.1. სტანდარტულ პირობებში ფორს-მაჟორი ნიშნავს ისეთ მოვლენას ან გარემოებას, რომელსაც მხარე სათანადოდ ვერ აკონტროლებს, რომლის თავიდან აცილება, შეჩერება ან გამოსწორება არ ხერხდება, მიუხედავად მხარის ყველანაირი ძალისხმევისა, და რომლის შედეგადაც ან რომლის გამოც რომელიმე მხარე ვერ ასრულებს სტანდარტულ პირობებიდან გამომდინარე თავის მოვალეობებს. ფორს-მაჟორულ მოვლენაში იგულისხმება (მაგრამ არა მხოლოდ):

7.1.1. ომი, საომარი მოქმედებები, ბლოკადა, მოზილიზაცია, რეკვიზიცია ან ემბარგო;

7.1.2. აჯანყება, რევოლუცია, ამბოხება, სამოქალაქო ომი, საზოგადო წესრიგის დარღვევა, სამოქალაქო არეულობა, საბოტაჟი და ტერორისტული აქტები;

7.1.3. ხანძარი, აფეთქება, შტორმი, ქარი, წყალდიდობა, მიწისძვრა, ქარიშხალი და სხვა სტიქიური მოვლენები;

7.2. არცერთ მხარეს არ მოეთხოვება სტანდარტული პირობების შესრულება და არ ჩაითვლება ვალდებულების შეუსრულებლობად, თუ ნებისმიერი ვალდებულების შეუსრულებლობის გამომწვევი მიზეზი ფორს-მაჟორული მოვლენაა, იმ პირობით, რომ ერთ-ერთი მხარის მიერ ფინანსური სახსრების ნაკლებობა არ ჩაითვლება ფორს-მაჟორულ მოვლენად.

7.3. მხარეები თავისუფლდებიან პასუხისმგებლობისგან სტანდარტული პირობებით გათვალისწინებული ვალდებულებების ნაწილობრივ ან მთლიან შეუსრულებლობაზე მხოლოდ ამ მუხლის 7.1 პუნქტით გათვალისწინებული მოვლენების მოქმედების პერიოდში. ასეთ შემთხვევებში, სტანდარტული პირობებით განსაზღვრული ვალდებულებების შესრულების ვადები გადაიწევენ იმ პერიოდით, რომლის განმავლობაშიც მოქმედებს ფორს-მაჟორული მოვლენები.

7.4. ფორს-მაჟორული მოვლენის შემთხვევაში მხარემ, რომელსაც იგი უშუალოდ ეხება, 5 სამუშაო დღის განმავლობაში წერილობით უნდა აცნობოს მეორე მხარეს ამ მოვლენის შესახებ, შესაბამისი ფაქტების და მონაცემების, სავარაუდო შედეგებისა და მისი ხანგრძლივობის მითითებით, ხოლო მომდევნო ერთი თვის განმავლობაში უნდა წარმოადგინოს ფორს-მაჟორული მოვლენის დამადასტურებელი შესაბამისი დოკუმენტი (შესაბამისი უფლებამოსილი ორგანოს მიერ დადგენილი წესით გაცემული ცნობა).

## მუხლი 8. დავების გადაწყვეტა

8.1. ელექტროენერგეტიკული ბაზრის ოპერატორი და საწარმო განახორციელებენ ყველა შესაძლო ღონისძიებას, რათა მორიგებით დაასრულონ ნებისმიერი დავა ან უთანხმოება, რომელიც შესაძლოა წარმოიქმნას სტანდარტულ პირობებთან (მის განმარტებასთან, გამოყენებასთან ან/და შესრულებასთან) დაკავშირებით.

8.2. იმ შემთხვევაში, თუ მხარეები ვერ მიაღწევენ შეთანხმებას, სადავო საკითხი წარედგინება საქართველოს ენერგეტიკისა და წყალმომარაგების მარეგულირებელ ეროვნულ კომისიას ან საქართველოს ფარგლებში მოქმედ იმ სასამართლოს, რომლის იურისდიქცია ვრცელდება სტანდარტული პირობების შესრულების ადგილზე.

## მუხლი 9. სხვა პირობები

9.1. თუ სტანდარტული პირობების რომელიმე დებულება ან მისი ნაწილი ან რომელიმე მხარის მიმართ მისი გამოყენება არ არის კანონიერი ან მისი განხორციელება შეუძლებელია, მაშინ სტანდარტული პირობების ყველა სხვა დებულება, შეძლებისდაგვარად, წაიკითხება როგორც მოქმედი და განხორციელებადი ან იმგვარად, რომ ისინი კვლავაც სრულ ძალაში დარჩნენ, ხოლო უმოქმედო და განუხორციელებელი ნაწილი უნდა გამოეყოს სტანდარტულ პირობებს ისე, რომ რაც შეიძლება სრულად იქნას შენარჩუნებული სტანდარტული პირობების სხვა დებულებების კანონიერება და მათი განხორციელების შესაძლებლობა.

9.2. სტანდარტული პირობებით გათვალისწინებული პირობები შესასრულებლად სავალდებულოა მხარეებისათვის და მათი შესაბამისი უფლებამონაცვლეთათვის. დაუშვებელია სტანდარტული პირობებით გათვალისწინებული ვალდებულებების გადაცემა სხვა მხარისათვის, მეორე მხარის წინასწარი წერილობითი თანხმობის გარეშე.

9.3. სტანდარტული პირობები რეგულირდება და განიმარტება საქართველოს კანონმდებლობის შესაბამისად.

9.4. ხელშეკრულების შესრულების ადგილია ქ. თბილისი.

9.5. სტანდარტული პირობები ძალაში შედის საქართველოს ენერგეტიკისა და წყალმომარაგების მარეგულირებელი ეროვნული კომისიის ადმინისტრაციულ-სამართლებრივი აქტით დამტკიცებისა და დისპეტჩერიზაციის ლიცენზიანტთან რეგისტრაციისთანავე და მოქმედებს უვალოდ.

საქართველოს ენერგეტიკისა და წყალმომარაგების მარეგულირებელი ეროვნული კომისია

სს „ელექტროენერგეტიკული სისტემის  
კომერციული ოპერატორი“

მისამართი: საქართველო, თბილისი, ძველი  
თბილისის რაიონი, ბარათაშვილის ქ. №2.

საბანკო რეკვიზიტები: სს „თიზისი ბანკი“,  
ვერის ფილიალი

ბანკის კოდი TBCBGE22

ა/ა GE76TB7505936030100001

საიდენტიფიკაციო კოდი: 205170036

ვახტანგ ამბოკაძე  
გენერალური დირექტორი



სს „ელექტროენერგეტიკული სისტემის კომერციული ოპერატორი“



საქართველოს ენერჯეტიკისა და წყალმომარაგების  
მარეგულირებელი ეროვნული კომისია

გ ა ლ ა წ ყ ვ ე ტ ი ლ ე ბ ა № 36/32

2016 წლის 24 მაისი

ქ. თბილისი

„საბალანსო ელექტროენერჯის ყიდვის პირდაპირი ხელშეკრულების სტანდარტული პირობების დამტკიცების შესახებ“ საქართველოს ენერჯეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/3 გადაწყვეტილებაში ცვლილების შეტანის თაობაზე

„ელექტროენერჯეტიკისა და ბუნებრივი გაზის შესახებ“ საქართველოს კანონის მე-5 მუხლისა და 22<sup>1</sup> მუხლის პირველი პუნქტისა და კომისიის 2003 წლის 7 აგვისტოს № 12 დადგენილებით დამტკიცებული „ადმინისტრაციული წარმოების განხორციელების დებულების“ 29-ე მუხლის საფუძველზე, საქართველოს ენერჯეტიკისა და წყალმომარაგების მარეგულირებელმა ეროვნულმა კომისიამ

**გადაწყვიტა:**

1. საქართველოს ენერჯეტიკისა და წყალმომარაგების მარეგულირებელი ეროვნული კომისიის 2014 წლის 14 აგვისტოს №30/3 გადაწყვეტილების პირველი პუნქტით დამტკიცებული „საბალანსო ელექტროენერჯის ყიდვის პირდაპირი ხელშეკრულების სტანდარტული პირობები“ ჩამოყალიბდეს თანდართული რედაქციით.
2. გადაწყვეტილება ძალაშია კომისიის საჯარო სხდომაზე გამოცხადების დღიდან.
3. გადაწყვეტილება შეიძლება გასაჩივრდეს თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი, მე-12 კმ, №6), მისი საჯაროდ გამოქვეყნებიდან ერთი თვის ვადაში.
4. დაევალოს კომისიის საზოგადოებასთან ურთიერთობის დეპარტამენტს (ნ. ლაშხია), დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის შენობაში საჯაროდ ხელმისაწვდომ ადგილას და კომისიის ვებ-გვერდზე ([www.gnerc.org](http://www.gnerc.org)).
5. კონტროლი გადაწყვეტილების შესრულებაზე დაევალოს კომისიის ელექტროენერჯეტიკის დეპარტამენტს (ნ. ბერიძე).

თავმჯდომარე

ი. მილორაფა

კომისიის წევრი

გ. შონია

კომისიის წევრი

გ. ფანჯანი



საქართველოს ენერჯეტიკისა და წყალმომარაგების მარეგულირებელი ეროვნული კომისია

302/02-16'

რეგისტრირებულია  
სს "საქართველოს სახელმწიფო  
ელექტროსისტემის" მიერ  
თარიღი 02.08.18 № 1/2174-00

საბალანსო ელექტროენერჯის ყიდვის პირდაპირი ხელშეკრულების სტანდარტული პირობების ცვლილება N1

ქ. თბილისი

6 აგვისტო, 2018 წელი

საქართველოს ენერჯეტიკისა და წყალმომარაგების მარეგულირებელი ეროვნული კომისიის 2018 წლის 26 ივლისის N61/19 გადაწყვეტილების საფუძველზე, 2016 წლის 16 აგვისტოს (დისპეტჩერიზაციის ლიცენზიატის რეგისტრაციის N1/2174-00, რეგისტრაციის თარიღი: 16.08.16) "საბალანსო ელექტროენერჯის ყიდვის პირდაპირი ხელშეკრულების სტანდარტულ პირობებში" განხორციელდეს შემდეგი სახის ცვლილება:

1. ხელშეკრულების მე-6 მუხლის 6.1 და 6.2 პუნქტები შეიცვალოს და ჩამოყალიბდეს შემდეგი რედაქციით:
  2. „6.1. საწარმოდან შესყიდული საბალანსო ელექტროენერჯის რაოდენობა აისახება ელექტროენერჯეტიკული ბაზრის ოპერატორსა და საწარმოს შორის მატერიალური ან ელექტრონული ფორმით გაფორმებულ ელექტროენერჯის მიღება-ჩაბარების აქტში. ამასთან, თუ „ბაზრის წესების“ შესაბამისად გამომუშავებული, მიწოდებული და მოხმარებული ელექტროენერჯის მიღება-ჩაბარების ან სისტემათაშორისი ხაზით (ხაზებით) მიწოდებული და მიღებული ელექტროენერჯის შემაჯამებელ აღრიცხვის აქტებში შეტანილი მონაცემების ცვლილებები იწვევს საბალანსო ელექტროენერჯის რაოდენობის კორექტირებას, დგება ელექტროენერჯის მიღება-ჩაბარების კორექტირებული აქტი მატერიალური ან ელექტრონული ფორმით.
  - 6.2. ელექტროენერჯეტიკული ბაზრის ოპერატორი საწარმოს სათანადოდ გაფორმებულ და დამოწმებულ ელექტროენერჯის მიღება-ჩაბარების აქტის 4 ეგზემპლარს მატერიალური ან ელექტრონული ფორმით წარუდგენს ხელმოსაწერად საანგარიშო პერიოდის დასრულებიდან არაუგვიანეს 12 კალენდარული დღისა. საწარმო ვალდებულია ხელმოწერილი აქტის 2 ეგზემპლარი ელექტროენერჯეტიკული ბაზრის ოპერატორს მატერიალური ან ელექტრონული ფორმით დაუბრუნოს მიღებიდან 2 კალენდარული დღის ვადაში.“;
3. ხელშეკრულების მე-6 მუხლის 6.6 პუნქტის შემდეგ დაემატოს 6.7 პუნქტი შემდეგი რედაქციით:
 

„6.7. წინამდებარე ხელშეკრულების 6.1 და 6.2 პუნქტით განსაზღვრულ შემთხვევებში, მიღება-ჩაბარების აქტის ელექტრონული ფორმით შედგენა და გაფორმება ხორციელდება ელექტროენერჯეტიკული ბაზრის ოპერატორის ვებ-გვერდზე ([www.esco.ge](http://www.esco.ge)) არსებული ელექტრონული სისტემის მეშვეობით. ელექტრონული ფორმით გაფორმებულ და ხელმოწერილ მიღება-ჩაბარების აქტს

საქართველოს ელექტროენერჯეტიკული ბაზრის ოპერატორი



აქვს მატერიალური ფორმით გაფორმებული და ხელმოწერილი მიღება-ჩაბარების აქტის თანაბარი იურიდიული ძალა.“.

- წინამდებარე ცვლილება ძალაში შედის საქართველოს ენერგეტიკისა და წყალმომარაგების მარეგულირებელი ეროვნული კომისიის ადმინისტრაციულ-სამართლებრივი აქტით დამტკიცებისა და მოქმედი კანონმდებლობით დადგენილი წესით დისპეტჩერიზაციის ლიცენზიატთან რეგისტრაციისთანავე და მოქმედებს უვადოდ.

სს “ელექტროენერგეტიკული სისტემის  
კომერციული ოპერატორი”

მისამართი: საქართველო, თბილისი,

ძველი თბილისის რაიონი, ბარათაშვილის ქ. #2

საბანკო რეკვიზიტები: სს “თიბისი ბანკი”

ბანკის კოდი TBCBGE22

ა/ა GE76TB7505936030100001

საიდენტიფიკაციო კოდი: 205170036

ვახტანგ ამბოკაძე

გენერალური დირექტორი





საქართველოს ენერგეტიკისა და წყალმომარაგების  
მარეგულირებელი ეროვნული კომისია

გ ა დ ა ო ყ ვ ე ტ ი ლ ე ბ ა №61/19

2018 წლის 26 ივლისი

ქ. თბილისი

„საბალანსო ელექტროენერჯის ყიდვის პირდაპირი ხელშეკრულების სტანდარტულ პირობების დამტკიცების შესახებ“ საქართველოს ენერგეტიკისა და წყალმომარაგების მარეგულირებელი ეროვნული კომისიის 2016 წლის 24 მაისის №36/32 გადაწყვეტილებაში ცვლილების შეტანის თაობაზე

„ელექტროენერგეტიკისა და ბუნებრივი გაზის შესახებ“ საქართველოს კანონის მე-5 მუხლისა და 22<sup>1</sup> მუხლის პირველი პუნქტისა და საქართველოს ზოგადი ადმინისტრაციული კოდექსის 63-ე მუხლის საფუძველზე, საქართველოს ენერგეტიკისა და წყალმომარაგების მარეგულირებელმა ეროვნულმა კომისიამ

**გადაწყვიტა:**

1. საქართველოს ენერგეტიკისა და წყალმომარაგების მარეგულირებელი ეროვნული კომისიის 2016 წლის 24 მაისის №36/32 გადაწყვეტილების პირველი პუნქტით დამტკიცებული „საბალანსო ელექტროენერჯის ყიდვის პირდაპირი ხელშეკრულების სტანდარტულ პირობებში“ შეტანილ იქნეს შემდეგი ცვლილება:

ა) 6.1-6.2 პუნქტები ჩამოყალიბდეს შემდეგი რედაქციით:

„6.1. საწარმოდან შესყიდული საბალანსო ელექტროენერჯის რაოდენობა აისახება ელექტროენერგეტიკული ბაზრის ოპერატორსა და საწარმოს შორის მატერიალური ან ელექტრონული ფორმით გაფორმებულ ელექტროენერჯის მიღება-ჩაბარების აქტში. ამასთან, თუ ბაზრის წესების შესაბამისად გამოუმუშავებული, მიწოდებული და მოხმარებული ელექტროენერჯის მიღება-ჩაბარების ან სისტემათაშორისი ხაზით (ხაზებით) მიწოდებული და მიღებული ელექტროენერჯის შემაჯამებელ ადრიცხვის აქტებში შეტანილი მონაცემების ცვლილებები იწვევს საბალანსო ელექტროენერჯის რაოდენობის კორექტირებას, დგება ელექტროენერჯის მიღება-ჩაბარების კორექტირებული აქტი მატერიალური ან ელექტრონული ფორმით.

6.2. ელექტროენერგეტიკული ბაზრის ოპერატორი საწარმოს სათანადოდ გაფორმებულ და დამოწმებულ ელექტროენერჯის მიღება-ჩაბარების აქტის 4 ეგზემპლარს მატერიალური ან ელექტრონული ფორმით წარუდგენს ხელმოსაწერად საანგარიშო პერიოდის დასრულებიდან არაუგვიანეს 12 კალენდარული დღისა. საწარმო ვალდებულია ხელმოწერილი აქტის 2 ეგზემპლარი ელექტროენერგეტიკული ბაზრის ოპერატორს მატერიალური ან ელექტრონული ფორმით დაუბრუნოს მიღებიდან 2 კალენდარული დღის ვადაში.“;

ბ) 6.6. პუნქტის შემდეგ დაემატოს შემდეგი შინაარსის 6.7 პუნქტი:

„6.7. წინამდებარე ხელშეკრულების 6.1 და 6.2 პუნქტით განსაზღვრულ შემთხვევებში, მიღების-ჩაბარების აქტის ელექტრონული ფორმით შედგენა და გაფორმება ხორციელდება ელექტროენერგეტიკული ბაზრის ოპერატორის ვებ-

გვერდზე ([www.esco.ge](http://www.esco.ge)) არსებული ელექტრონული სისტემის მეშვეობით. ელექტრონული ფორმით გაფორმებულ და ხელმოწერილ მიღება-ჩაბარების აქტს აქვს მატერიალური ფორმით გაფორმებული და ხელმოწერილი მიღება-ჩაბარების აქტის თანაბარი იურდიული ძალა.“.

2. გადაწყვეტილება ძალაშია კომისიის სხდომაზე გამოცხადების დღიდან.
3. გადაწყვეტილება შეიძლება გასაჩივრდეს თბილისის საქალაქო სასამართლოში (მის: ქ. თბილისი, დავით აღმაშენებლის ხეივანი, მე-12 კმ, №6), მისი საჯაროდ გამოქვეყნებიდან ერთი თვის ვადაში.
4. დაევალოს კომისიის საზოგადოებასთან ურთიერთობის დეპარტამენტს, დაუყოვნებლივ უზრუნველყოს ამ გადაწყვეტილების საჯაროდ გამოქვეყნება კომისიის შენობაში საჯაროდ ხელმისაწვდომ ადგილას და კომისიის ვებ-გვერდზე ([www.gnerc.org](http://www.gnerc.org)).
5. კონტროლი გადაწყვეტილების შესრულებაზე დაევალოს კომისიის ელექტროენერგეტიკის დეპარტამენტს.

ირინა მილორავა

კომისიის თავმჯდომარე

გიორგი ფანგანი

კომისიის წევრი

მაია მელიქიძე

კომისიის წევრი

დავით ნარმანია

კომისიის წევრი

